



Inatsisartuni ilaasortaq Laura Táunajik, Siumut
Maani/

**§ 37 naapertorlugu apeqquaqqaammur nr.2017/030-mut Tunumi nannunik kisit-
sinermut pisassanullu tunngasumut akissuteqaat**

30-01-2017
Suliap nr. 2017-1125
All. nr 4387540

Inatsisartut suleriaasissaanni § 37, imm. 1 naapertorlugu Naalakkersuisunut apeqquaqqaateqarputit. Apeqquaqqaat uanga suliaasqarfigisannit akineqartussanngorlugu innersuun-
neqarpoq. Pinngortitaleriffik qinnuigineqarpoq apeqquqmmut nr. 1-imut ilassute-
qassasoq NPANN § 37-imut akissuteqaammur tusarniaaffigineqarpoq.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Apeqquqmmur tunuliaqutaasoq tassaavoq ukiuni makkunani Tunumi nannunik misissui-
neq annertoq ingerlanneqarmat.

Tasiilap eqqaani piniartut 2017-imi 25-inik nannuttassinneqarput. Pisassiisutiginneqar-
tartut 2011-imi allanngorsimannngillat, mianerinnittumillu tunngaveqarluni aalajanger-
sarneqartarput, tassami qanoq amerlatiginerat ilisimaneqannngimmat.

*1)-imut Tunumi nannunik misissuinermi maanna ingerlanneqartumi sumut
killittoqarpa: Misissuineq pilersaarutaasut malillugit ingerlava aamma
pilersaarutaasutut 2018-imi naammasineqarnissaa suli naatsorsuutigineqarpa?*

Tunumi nannut nunarujussuarmi siammarsimapput, Pinngortitaleriffiup taakku pillugit
annikitsuararsuarmik paasissutissaateqarpoq, Pinngortitaleriffiup Tunumi nannut nano-
qatigiittut ataatsitut arlalittulluunniit aqunneqassanersut naluaa. Nunami taama angi-
tigisumi tikiqqeqajuitsigisumilu nannunik siornatigut kisitsisoqarsimannngilaq. Aamma
Tunumi nannut nunanik allanik ataatsimoorunneqannngillat. Kalaallit Nunaata Kitaani
nannunik misissuinerne Canada aningaasartuutunik avitseqatigisarsimavarput. Tunumi
taamatut periarfissaqannngilaq.

Nannunik nakkutillineq Pinngortitaleriffiup missingersuutaanut ilaannngillat, taamaam-
mat avataanit aningaasalerneqarnissaaq pinngitsoorsinnaannngilaat. 2007-illi kingorna
aningaasaliisartut pingaarnerit marluk tassaasarsimapput qallunaat Avatangiisinut aqu-
tsisoqarfiat suliniutit DANCEA-kkoortut aqqutigalugit kiisalu uuliaatileqatigiiffiit nunat-
sinni aatsitassanut oqartussat aqqutigalugit.

Tunumi nannunik piniarneq nungusaataannngitsumik ingerlanneqarnersoq paasinarlugu
Pinngortitaleriffiup 2014-imi misissuinerne aallartippaa. Suliniut apersuinerneq Tunullu

kujataani nannunik nalunaaqtsersuineramik misiligutissanillu tigooqqaanermik aallar-tippoq. Ukiut 4 siulliit atorneqassapput nannut siaruarsimaffiinut, angalanerannut, sikumik atuisarnerannut, ukioqqortussusaasa inissitsitersimanagerannut, peqqissu-saannut qanoq imminnut qanitsiginerannut tunngasunut. Tamakku tamarmik kisitsi-nissamat pilersarusiornermut atorneqassapput.

Piffissat kisitsivissat aalajangerneqarallartut tassaapput 2019-imi aamma 2020-imi.

2015-imi 2016-imilu Kangerlussuarmi Tunumiittumi Prins Christian Sund-illu akornanni Tasiilap kujataa samminerullugu timaani misissuisoqarpoq. Pilersaarutaasoq tassaavoq suliniut avannamut nuunneqassasoq 2017-imi avannarpasilluni Blosseville Kyst-imi (Tu-numi Kangerlussuup Ittoqqortoormiillu akornat) kiisalu Kangerlussuarmi (Tunumi) It-toqqortoormiillu avannaani sumiiffinni 2018-imi nannunik nalunaaqtsersuisoqarluni.

Tamanna aningaasalersorneqarpoq qallunaat Avatangiisinut aqutsisoqarfiat suliniutit DANCEA-kkoortut aqutugalugit mannaluk tikillugu suliniutit ukiut marlukkaarlugit ani-ngaasaliiffigisarlugit ukiumulli akuerineqarnera uppersartariaqartarluni: DANCEA aqutugalugu suliniut 2014-2015-imilu ingerlanneqarpoq Pinngortitaleriffiullu maanna ingerlataa 2016-17-imoortuulluni. Pinngortitaleriffiup 2017-imut aningaasaliisoqarnis-saanik uppersaammik peqqammerpoq. 2017-ip ukiassaani Pinngortitaleriffik 2018-19-imut nutaamik qinnuteqassaaq kiisalu Tunumi nannut naliliiffigineqarneri neriuu-tigineqarluni 2020-2021-imi tunniunneqassasoq.

Sulineq DANCEA-mit aningaasalersorneqartoq Nunap allanngutsaaliukkap kujataatu-ngaannaani pissaaq. Uuliasiorfiit nalaanni eqqaannilu nannunik misissuissannut ani-ngaasaliissannik uuliaatileqatigiinnik Namminersorlutik Oqartussat maanna isumaqa-tiginninniarnit naammassartorpaat. Aningaasat DANCEA-mit uuliaatileqatigiinnillu kattunneratigut Pinngortitaleriffiup Tunumi nannut uumaffiisa annersaa misissuiffi-gissallugu anguniarpaa.

Pinngortitaleriffik apersuinerit misissuineq misissueqqissaarfigisimavaa maannalu na-lunaarusiorluni. Timaani 2015-imi aamma 2016-imi pissarsiffiulluarpoq nannullu 50-it missaat qaammataasamat nassitsissummik ikkussiffigineqarpoq taamaalillunilu siuller-paamik Tunup kujataani nannut angalasarnerat pillugu paasissutissanik Pinngorti-taleriffik pissarsilluni.

Misissuinerit pilersaarutit naapertorlugit ingerlapput, taamaattoq timaani sulinissaq 2020-mut kinguartinneqarpoq 2018-imi pinnani. Tamanna suliap anginerujussuanik peqquteqarpoq. Tamatuma saniatigut Baffinip Ikerani / Kane-p Imartorngani (Ikersuarmi) nannut misissuiffigeqqissaarneqarnerat kinguarterpoq JCPB-mullu 2016-imi juulimi nalunaarusiamik inaarutaasumik tunniussinermik kinguneqarluni. Nunatta Tunuata Avannaarsuani Nunami eqqissisimatitami uuliamik misissuivinnut tunngatil-lugu aamma nalornisoqarpoq, tassungalu aningaasaliissutit sulii inissinneqanngillat.

Tunumut tunngatillugu 2021 tikitsinnagu nutaamik siunnersuusiussalluni Pinngortitaleriffiup naatsorsuutiginnigilaa.

2)-mut Misissuinerit maannamut ingerlanneqareersut Tasiilap eqqaani nannuttassanik amerlisitsinissamut tunngaviussatut Naalakkersuisunut isumaliulersitsippat?

APN-ip Tunumut tunngatillugu biologit siunnersuutissaat utaqqimaarpaa, matumanilu Tasiilap eqqaa ilaavoq. Misissuinerit nutaat biologinit allanit misissuisuunngitsunit misissorneqaqqaassapput. APN biologinit siunnersorneqariingikkuni siunnersuinerlu Naalakkersuisunut tusarniutigineqareerluni suliarineqareeruni aatsaat pisassat allangortinneqarsinnaapput Naalakkersuisut siunnersuinerit akuerereerpatigit. Biologit naammattumik siunnersuisinnaappata mianerinnilluni tunngaveqarneq atorneqartanngilaq. Mianerinninnerli tunngavigalugu inassuteqaateqartoqarsinnaavoq pissutsit ilaanni ilisimasat naammangippata. APN Tunumi pisassat pillugit Pinngortitaleriffimmit inassuteqaammik 2006-imi pivoq.

Pinngortitaleriffik allappoq: "Tunumi nannut amerlassusaat pillugit amigartumik ilisimasaqarneq peqqutigalugu Pinngortitaleriffik Tunumut nungusaataannngitsumik pisassiissutinik siunnersuisinnaanngilaq. Taamatut nalornissuteqarneq tunngavigalugu Pinngortitaleriffik isumaqarpoq Tunumut mianerinnittumik periaaseqarluni pisassii-soqartariaqartoq." 2011-imi politikikkut aalajangerneqarpoq Tasiilami aamma Ittoq-qortoormiini pisassat immikkut 5-inik ilaneqassasoq, Kommuneqarfik Sermersuup qinnuteqarnermini pisaqariaqartitsineq tunngavilersuutigaa.

Inussiarnersumik inuulluarit

Hans Enoksen